

Alþingi

Erindi nr. D 1201/603

komudagur 19.4.1996

19. apríl 1996

Til: Efnahags- og viðskiptanefndar Alþingis

Frá: Fjármálaráðuneytinu

Tillögur til breytinga á frv. til l. um réttindi og skyldur starfsmanna ríkisins, að fengnum umsögnum og öðrum athugasemdum við það:

1. Í 2.mgr. 7.gr. falli brott orðin “svo sem minni háttar skrifstofustörf, störf samkvæmt námssamningi, ræstingastörf, sendilsstörf eða önnur svipuð störf”.

2. Í 3.mgr. 9.gr. falli brott orðið “forstöðumanna”.

3. Á eftir orðunum “Með hugtakinu “föst laun” er” í 1.mgr. 10.gr. komi: í þessum lögum.

4. 1.mgr. 22.gr. orðist svo:

Embættismenn teljast samkvæmt lögum þessum einvörðungu þeir starfsmenn ríkisins sem taldir eru upp hér á eftir enda séu þeir skipaðir í starf skv. 23.gr.:

1. Starfsmenn Alþingis og stofnana þess.

2. Starfsmenn skrifstofu forseta Íslands.

3. Starfsmenn stjórnarráðs, þar með taldir starfsmenn utanríkisþjónustunnar.

4. Hæstaréttardómarar og héraðsdómarar, svo og aðrir starfsmenn Hæstaréttar og héraðsdómstóla.

5. Biskup Íslands, vígslubiskupar, prófastar og prestar þjóðkirkjunnar.

6. Ríkissaksóknari, ríkislögmaður, ríkissáttasemjari og umboðsmaður barna, svo og aðrir starfsmenn við embætti þeirra.

7. Sýslumenn og aðrir starfsmenn sýslumannsembætta, svo og rannsóknarlögreglustjóri ríkisins, ríkistollstjóri, lögreglustjórinn í Reykjavík og tollstjórinn í Reykjavík og aðrir starfsmenn lögreglustjóra- og tollstjóraembættanna.

8. Starfsmenn Fangelsismálastofnunar.

9. Forstöðumenn ríkisstofnana og ríkisfyrirtækja.

10. Þeir aðrir, sem skipaðir eru í störf samkvæmt öðrum lögum, svo og þeir er gegna störfum sem öldungis verður jafnað til þeirra manna sem getið er í 1.-9.tölulið.

5. Við 23.gr.

a. Í stað orðins “þremur” í 2.mgr. komi: fjórum.

b. Við 2.mgr. bætist svohljóðandi niðurlag: nema hann óski eftir að láta af störfum með þeim hætti sem fyrir er mælt í 1.mgr. 37.gr.

6. Við 26.gr.

a. 2.másl. 4.mgr. hljóði svo: Ef embættismanni er veitt lausn um stundarsakir af ástæðum, sem greindar eru í 2.mgr., er skylt er að veita honum áminningu skv. 21.gr. og gefa honum færi á að bæta ráð sitt áður en honum er veitt lausn. Annars er ekki skylt að gefa honum kost á að tjá sig um ástæður lausnar áður en hún tekur gildi.

b. Við greinina bætist ný málsgrein er orðist svo:

Ef embættismaður óskar skal rökstyðja ákvörðun um lausn um stundarsakir. Ef annað stjórnvald en ráðherra hefur tekið þá ákvörðun má bera hana undir hlutaðeigandi ráðherra.

7. Í stað orðanna “ef ástæða þykir til” í 1.mgr. 27.gr. komi: ef hann krefst þess.

8. 39.gr. orðist svo:

Laun og önnur launakjör embættismanna skulu ákveðin af Kjaradómi eða kjaranefnd samkvæmt þeim lögum sem um þá úrskurðaraðila gilda.

9. Við 1.mgr. 41.gr. bætist nýr málslíður er hljóði svo: Skal sá frestur vera þrjú mánuðir að loknum reynslutíma nema um annað sé samið í kjarasamningi.

10. 44.gr. orðist svo:

Skylt er að veita starfsmanni áminningu skv. 21.gr. og gefa honum færi á að bæta ráð sitt áður en honum er sagt upp störfum ef uppsögn á rætur að rekja til ástæðna sem þar eru greindar. Annars er ekki skylt að gefa starfsmanni kost á að tjá sig um ástæður uppsagnar áður en hún tekur gildi, þar á meðal ef uppsögn stafar af öðrum ástæðum, svo sem þeirri að verið sé að fækka starfsmönnum vegna hagræðingar í rekstri stofnunar.

Ef starfsmaður óskar skal rökstyðja uppsögn skriflega. Ef hún á rætur að rekja til ástæðna, sem greindar eru í 21.gr., má bera hana undir hlutaðeigandi ráðherra.

11. Við 56.gr.

a. 1.mgr. 2.tölul. orðist svo:

Í stað orðanna “og umboðsmanns Alþingis” í 2.gr. laga nr. 120/1992 um Kjaradóm og kajarnefnd komi: umboðsmanns Alþingis og umboðsmanns barna.

b. 2.mgr. 2.tölul. falli brott.

c. Á eftir orðunum “starfskjör embættismanna” í 3.mgr. 2.tölul. komi: annarra en þeirra sem taldir eru upp í 2.gr.

d. Við 2.tölul. bætist ný málsgrein er hljóði svo:

Við sömu lög bætist nýtt ákvæði til bráðabirgða er orðist svo: Þrátt fyrir breytingu á 2.mgr. 8.gr. þessara laga samfara gildistöku nýrra laga um réttindi og skyldur starfsmanna ríkisins skal kjaranefnd fyrst ákveða laun og starfskjör þeirra embættismanna, sem fram að

Þessu hafa ekki fallið undir lög þessi, frá og með 1. janúar 1997. Fram að þeim tíma skulu laun og starfskjör þessara embættismanna ráðast af kjarasamningum.

12. Við ákvæði til bráðabirgða.

a. Í stað orðanna “sbr. þó 4. og 5.mgr.” í 3.mgr. komi: sbr. þó 4.mgr.

b. Í stað orðanna “3 mánuði” í 5.mgr. komi: 6 mánuði.

c. Í stað orðanna “6 mánuði” í 5.mgr. komi: 12 mánuði.

Þá kemur til álita að endurskoða 1.mgr. 51.gr. frv., m.a. í ljósi athugasemda frá Félagi starfsmanna Alþingis og Starfsmannafélagi ríkisendurskoðunar.